

Día Europeo das Linguas

26 setembro



Por iniciativa do Consello de Europa, desde o ano 2001 celébrase o Día Europeo das Linguas cuxos **obxectivos** xerais son:

- 🌐 Destacar a importancia da aprendizaxe de linguas e diversificar a variedade de idiomas que se aprenden co obxectivo de incrementar o plurilingüismo e a comunicación intercultural.
- 🌐 Promover a riqueza da diversidade lingüística e cultural de Europa, que debemos preservar e potenciar.
- 🌐 Promover a aprendizaxe permanente de linguas tanto dentro como fóra dos centros educativos.

Carta Europea das Linguas Minoritarias

5 novembro

A Carta é un convenio internacional que foi elaborado para dar apoio ao desenvolvemento das linguas rexionais ou minoritarias, é dicir, axudar ás persoas usuarias destas linguas a teren a oportunidade de empregalas na escola, no traballo, nos medios de comunicación, no ámbito xudicial, ante a Administración, en ámbitos económicos e culturais etc. Tamén pretende axudar os gobernos a comprenderen o que poden facer para que isto sexa posible.

Diversidade Lingüística en Europa:

En todo o continente europeo existen máis de 225 linguas nativas.. A Unión Europea é a institución do mundo máis plurilingüe ao recoñecer 24 linguas oficiais, ás que cómpre sumar arredor de 60 linguas denominadas rexionais ou minoritarias. Por outra banda, no territorio da Unión fálanse algo máis de 100 linguas procedentes doutros continentes do mundo que usan a diario persoas inmigrantes.

